

costalibus apice elongato-clavatis; areæ medio-discoidalis venulis transversis tantum 3. Campus appendicularis ♀ ♂ quartam partem longitudinis alæ æquans, paulo latior quam longior, apice ♀ parabolicus, ♂ rotundatus. Lamina supra-analis ♀ transversa, rotundata, ♂ paulo major, rotundato-trapezina. Long. 8; elytr. 8·5, pronot. 2, latit. pronot. 3·5 millim.

Hab. MEXICO, Eastern Cordillera, Orizaba, Rio Blanco.

The wings have been figured for comparison with those of other species.

[2. **Anaplecta peruviana**, sp. n.

A. mexicana simillima, testacea, abdomine fusco. Vertex inter oculos vitta transversa nigra. Pronoti discus brunneus, maculis nullis. Elytra vitta obliqua fusca nulla, vena mediastina et basi venæ humeralis, fuscis; (vena media haud a basi divisa, sed ad medium bis furcata). Alæ infuscatæ, illis *A. mexicana* similes, campo appendiculari tamen acutiore, subtrigonalis; venulis transversis areæ medio-discoidalis 5. Long. cum elytr. 11, alæ 9·5 millim.

Hab. PERU.]

3. **Anaplecta nahua**, Sauss.

Anaplecta nahua, Sauss. Miss. Scient. Mex., Orthopt. p. 14. 1, t. 1. fig. 11 a.

Sat minuta, gracilis, testacea. Pronotum antice leviter attenuatum, disco vittis 2 longitudinalibus fuscis. Elytra angusta, elongata, fulvo-testacea, quam in *A. mexicana* apice magis acuminata; vitta longitudinali fusca campum analem et basin campi discoidalis occupans, dehinc anguste inter venam ulnarem et ramum posticum venæ mediæ plus minus producta, marginem suturalem liberante; vena media tantum basi furcata, ramos tantum 2 efficiens. Alæ fusco-nebulosæ, campo marginali apiceque campi intermedii, plus minus infuscatis, venis costalibus 6 apice fulvis, crasse clavatis; vena media apice furcata; area medio-discoidali transverse venosa. Campus appendicularis sat minutus, basi obtusangulus. Long. cum elytr. 6-7; elytr. 5·5, pronot. 1·5, latit. pronot. 2·4 millim.

Hab. MEXICO, Eastern Cordillera.

4. **Anaplecta tolteca**, Sauss.

Anaplecta tolteca, Sauss. Miss. Scient. Mex., Orthopt. p. 16. 3.

♀. Testacea, superne infuscata, fronte inter oculos vitta fusca. Pronoti discus fulvus, marginibus lateralibus late hyalinis. Elytra angusta, apice rotundata, castanea, apice fulva, campo costali partim late pellucido; vitta obliqua in vena anali testaceo-hyalina; venis disci 3-4 complete longitudinalibus ut in *A. mexicana*. Alæ illis *A. mexicana* simillimæ, infuscatæ, fusco-nebulosæ, campo appendiculari fuscior, campo costali et margine appendicis fuscis. Lamina supra-analis margine transverse arcuato; cerci testacei. Long. 6; elytr. 6·5, pronot. 1·6, latit. pronot. 2·5 millim.

Hab. MEXICO, Eastern Cordillera.

[5. **Anaplecta moxa**, sp. n. (Tab. IV. figg. 3, 4.)

A. mexicana formis simillima, elytris apice paulo obtusioribus.

♀. Fusco-castanea. Antennæ piceæ. Caput subtus et pedes testacea; vertex et occiput fusca. Pronotum paulo minus ellipticum, antice leviter attenuatum scilicet ejus latitudo maxima pone medium occurrens, margine posteriore leviter arcuato, disco castaneo, marginibus lateralibus late pellucidis. Elytra castanea, elongata, angusta, apice rotundata, margine costali magna parte hyalino; venis campi discoidalis longitudinalibus 4. Alæ tota fuscae, de reliquo illis *A. mexicana* simillimæ. Abdomen fuscum; lamina supra-analis trigonalis, apice leviter truncata. Ultimum segmentum ventrale compressum, fissum. Long. 7·2; elytr. 8, pronot. 1·9, latit. pronot. 2·7 millim.

Hab. PERU, Tarma (*Mus. Genavense*).]